

Broj:720 /26
Cazin, 29 .06.2026. godine

Na osnovu Pravilnika o kriterijima, načinu i postupku raspodjele sredstava za projekte u kulturi i turizmu iz tekućeg transfera udruženjima građana za 2026. godinu br. 307-1/26 (Službene novine grada Cazina 6/26, od 09.04.2026. godine) i Odluke Upravnog odbora JU „Centar za kulturu i turizam“ Cazin o sprovođenju Javnog poziva br. 64-UO/26, od 18.05.2026. godine, direktor JU „Centar za kulturu i turizam“ Cazin objavljuje:

JAVNI POZIV U SVRHU RASPODJELE SREDSTAVA ZA PROJEKTE U KULTURI I TURIZMU IZ TEKUĆEG TRANSFERA UDRUŽENJIMA GRAĐANA ZA 2026. GODINU

Član 1.

Predmet javnog poziva

Predmet Javnog poziva je dodjela bespovratnih sredstava za projekte u kulturi i turizmu iz „Tekućeg transfera udruženjima građana za 2026. godinu“, s ciljem podsticanja razvoja kulturnih i turističkih aktivnosti na području grada Cazina.

Član 2.

Sredstva za dodjelu

Ukupno raspoloživa sredstva iz „Tekućeg transfera udruženjima građana za 2026. godinu ” po ovom Javnom pozivu iznose 30.000,00 KM.

Minimalan iznos sredstava za dodjelu je 1.000,00 KM po aplikantu.

Maksimalan iznos sredstava za dodjelu je 5.000,00 KM po aplikantu.

Ustanova zadržava pravo da ne dodijeli sva dostupna finansijska sredstva.

Član 3.

Aplikanti

Pravo podnošenja prijave na Javni poziv imaju kulturno-umjetnička društva i udruženja građana koji realiziraju projekte u oblasti kulture i turizma sa sjedištem na području grada Cazina.

Korisnici sredstava ne mogu biti kulturno-umjetnička društva i udruženja građana, kao niti kulturne manifestacije koje se finansiraju ili sufinansiraju direktno iz sredstava Budžeta grada Cazina za 2026. godinu.

Član 4.

Komisija za odabir projekata

Postupak po javnom pozivu provodi tročlana Komisija za ocjenjivanje projekata (u daljem tekstu Komisija) koju rješenjem imenuje Upravni odbor Ustanove.

Način rada i odlučivanja Komisije bliže se određuje poslovnikom koji donosi Komisija.

Član 5.

Kriteriji za vrednovanje

Komisija iz člana 4. Javnog poziva vrši odabir projekata na osnovu kriterija podijeljenih u 2 kategorije:

- a) kriteriji za odabir projekata u kulturi
- b) kriteriji za odabir projekata u turizmu

Kriteriji za odabir projekata u kulturi:

- da je iz projekta jasno vidljivo da se radi o aktivnostima iz oblasti kulture
- da se radi o projektu koji ima kulturnu, umjetničku, historijsku, duhovnu ili prostornu vrijednost
- da se radi o projektu koji će se realizirati na području grada Cazina
- da se projektom ne diskriminiše bilo koja grupa stanovništva
- da je projektom jasno definisana ciljna grupa koja obuhvata veći broj krajnjih korisnika
- da su očekivani rezultati mjerljivi, realni i ostvarivi
- da projekt u fokusu ima izvođenje programa, akcija i manifestacija u oblasti kulture
- da je budžet realan i u skladu s aktivnostima projekta
- da aplikant može dokazati prethodne reference u realizaciji projekata iz oblasti kulture
- da projekat ima lokalnu, regionalnu ili nacionalnu kulturnu vrijednost
- procenat osiguranog sufinansiranja projekta

Kriteriji za odabir projekata u turizmu:

- da je iz projekta jasno vidljivo da se radi o aktivnostima iz oblasti turizma
- da se radi o projektu koji ima turističku, sportsku, avantirističku, edukativnu vrijednost
- da se radi o projektu koji će se realizirati na području grada Cazina
- da se projektom ne deskriminiše bilo koja grupa stanovništva
- da je projektom jasno definisana ciljna skupina koja obuhvata veći broj krajnjih korisnika
- da su očekivani rezultati mjerljivi, realni i ostvarivi
- da projekat ima u fokusu izvođenje programa, akcija i aktivnosti iz oblasti turizma, sporta, edukacije ili njihove kombinacije
- da je budžet realan i u skladu sa aktivnostima projekta
- da aplikant može dokazati prethodne reference u realizaciji projekata iz oblasti turizma, sporta, edukacije ili njihovih kombinacija
- da projekat ima lokalnu, regionalnu ili nacionalnu turističku vrijednost
- procenat osiguranog sufinansiranja projekta

Član 6.

Postupak prijave

U postupku prijave na javni poziv aplikanti su dužni podnijeti prijavu koja treba da sadrži:

- popunjen prijavni obrazac (sastavni dio javnog poziva)
- rješenje o registraciji
- uvjerenje o poreskoj registraciji
- transakcijski račun (kopija ugovora s bankom ili potvrda banke)
- potvrdu o prethodno realiziranim projektima (listu ovjerenu od strane podnosioca projekta) ili preporuku gradskog organa uprave o istima
- ponudu ili predračun za svaki iznos nabavke roba ili usluga veći od 500,00 KM

Sve prijave na javni poziv koje ne zadovoljavaju bilo koji od ispod navedenih (eliminatorskih) kriterija će biti odbačene:

- prijava na javni poziv nije blagovremena
- nedostaju formalni uvjeti za kandidiranje projekta (nepotpuna ili netačna dokumentacija)
- nije opravdan utrošak sredstava za ranije odobrene projekte (nije dostavljen finansijski i narativni izvještaj o provođenju ranije odobrenih projekata)
- sve aktivnosti projekta se dešavaju van teritorije grada Cazina
- prijavni obrazac nije popunjen u potpunosti
- projektom se podržava rad političke stranke
- projekat ne promovise kulturu i turizam
- projektom se vrši neki oblik diskriminacije
- administrativni troškovi projekta prelaze 20% sredstava budžeta projekta
- projekat uključuju nabavku opreme u iznosu većem od 20% ukupnog budžeta projekta
- projekat traje duže od 10 mjeseci
- aplikanti su lica koja su zaposlena u JU „Centar za kulturu i turizam“ Cazin
- nedostaju ključne informacije o projektu.

Član 7.

Prijavni obrazac

Prijavni obrazac je sastavni dio javnog poziva i podnosi ga ovlašteno lice aplikanta, a sadrži:

- naziv projekta
- informacije o aplikantu (puni naziv i sjedište, registracioni broj)
- adresa aplikanta (ulica, mjesto, broj telefona osobe ovlaštene za zastupanje)
- e-mail aplikanta
- web stranica (ukoliko postoji)
- ime i prezime odgovorne osobe za provođenje projekta/ koordinatora
- vrijeme trajanja projekta
- opis projekta

- ciljevi
- aktivnosti
- očekivani rezultati
- partnerski odnosi i uloga partnera
- budžet
- održivost
- spisak potrebne dokumentacije za prijavu (navesti priloge koji se dostavljaju).

Član 8.

Rang liste

Komisija sačinjava rang listu uspješnih projekata, kao i rang listu projekata koji nisu zadovoljili uslove javnog poziva.

Konačnu odluku o dodjeli sredstava donosi direktor Ustanove na osnovu prijedloga rang liste Komisije.

Ustanova pismeno, ili na neki drugi prikladan način, obavještava aplikanta da je prijedlog projekta prihvaćen ili odbačen, u roku od 7 dana od dana donošenja Odluke iz stava 2. ovog člana.

Član 9.

Ugovori, nadzor nad realizacijom projekata i izvještavanje

Direktor Ustanove će sa odabranim aplikantima zaključiti ugovor o međusobnim pravima i obavezama.

Ustanova prati provedbu odobrenog projekta analizom dostavljenih periodičnih izvještaja, prisustvom aktivnostima na projektu, neposrednom komunikacijom s korisnicima projekata, davanjem smjernica za korekcije uočenih nedostataka u provedbi projekata i na drugi primjeren način.

Odabrani aplikant je dužan na zahtjev Ustanove dostaviti projektnu i finansijsku dokumentaciju na uvid.

Ustanova može, kada to ocijeni neophodnim, izvršiti direktnu kontrolu na terenu o načinu realizovanja odobrenog projekta i načinu utroška odobrenih sredstava.

Aplikanti čiji projekti budu odobreni dužni su naznačiti podršku Ustanove u realizaciji projekta. Pravljanje odobrenih sredstava vrši se na propisanom obrascu uz dostavljanje dokumentacije kojom se nedvojbeno može utvrditi namjenski utrošak sredstava (ovjerene kopije računa, naloga, izvoda iz banke, ovjerene kopije ugovora o djelu ili sporazuma o saradnji, fotografije realizacije projektnih aktivnosti ovjerene pačetom aplikanta i potpisane od strane odgovornog lica, dokaz o tome da je izvršena promotivna naznaka realizacije projekta uz finansijsku podršku JU „Centar za kulturu i turizam“ Cazin).

Član 10.

Rok za prijavu

Javni poziv je otvoren 15 (petnaest) dana od dana objavljivanja i biti će objavljen na službenim stranicama JU „Centar za kulturu i turizam“ Cazin.

Popunjen prijavni obrazac sa potrebnim dokumentima dostavlja se na adresu: JU „Centar za kulturu i turizam“ Cazin, **Trg prvog predsjednika Predsjedništva RBiH Alije Izetbegovića bb, 77220 Cazin**, sa naznakom „**PRIJAVA NA JAVNI POZIV U SVRHU RASPODJELE SREDSTAVA ZA PROJEKTE U KULTURI I TURIZMU IZ TEKUĆEG TRANSFERA UDRUŽENJIMA GRAĐANA ZA 2026. GODINU**“, poštom ili lično na adresu Ustanove.

Prijavni obrazac je sastavni dio ovog Javnog poziva, kao i obrazac za izvještavanje, a iste možete pronaći na web stranici Ustanove.

Dostavljeno:

- a) web stranica
- b) a/a
- c) Komisija



Sulejman Samardžić, BA